

Experto Mericano riba construcccion di Hospital a reuni cu Minister Dr. Ike Posner y Project Coordinator Hospital San Nicolas



ORANJESTAD (AAN): Ayera mainta e experto Mericano, Wes Anderson a bishita Minister di Salubridad dr. Ike Posner, den compania di e

specialista Mericano riba curamento di herida, esta Paula Grant.

Fuera di Minister Posner, señor Anderson a combersa tambe cu e project coordina-



tor di Hospitaal San Nicolas, esta señor Howard Maxwell hunto cu Olga Rodriguez di Departamento di Salubridad. A intercambia di idea riba

varios aspecto di e plan cu tin pa expansion y remodelacion di Centro Medico na San Nicolas, mientras cu diferente otro punto di vital importancia di e hospital, a keda trata.

Señor Anderson ta un arquitecto kende a traha pa varios aña riba diseño di hospital y clinicanan tanto na Merca y rond mundo.

Mientrastanto ta bay inicia cu drechamento di e dak di Centro Medico y den proximo simannan concretizacion di e plannan di remodelacion

y expansion di e centro lo ta completamente cla.

Tin algun aspecto di henter e plan aki cu mester keda termina y pa despues sigui cu formalizacion pa ehecucion di e proyecto den su totalidad.

Minister Posner ta trahando riba varios otro plan pa mejoracion di cuidu medico cu diferente departamento di Gobierno cu tin di haber cu cuidu medico pa di e forma aki por duna pueblo di Aruba e cuidu optimal na tur momento cu esaki ta necesario.

Centurion Casino a habri ayeratardi

ORANJESTAD (AAN): Den un boletin di prensa emiti Diamars atardi, gerencia di Centurion Casino ta indica cu "Husticia a prevalece pa Centurion Casino".

Durante e proceso di e caso, gerencia a hospeda na Aruba Phoenix Resort y Holiday Inn Sunspree Resort, y kier a gradici ambos hotel y staff pa e sosten duna. Tambe ta gradici e staff di Aruba Grand Hotel, como tambe e decenas di chofernan di Taxi y e clientenan cu personalmente a yama y desea nan exito.


Nan a habri nan porta Diamars atardi mes. Pero pa awe Diaranzon 24 di Januari 2001, e prome 150 personanan cu yega Centurion Casino pa 7'or di anochi, lo ricibi un regalo gratis, como tambe champaña.

Nan lo cuminza na Bingo atrobe y aumente pa cinco anochi hunto cu nan lesnan gratis di Blackjack, cada dia di 6:30 p.m. pa 8:00 p.m. Nan

por sigui cu e plannan original di upgrade, y 25 Jackpot

ultramoderno ta yegando pronto.

HIPOTECAMANIA!!



**TELEFONNAN
DI DIARIO
826747
FAX
828551**